

Univerzitet u Sarajevu



University of Sarajevo



Studijski program:

Međunarodna i regionalna sigurnost

**Centar za interdisciplinarne studije –
„Prof. dr. Zdravko Grebo“**

Studijski program: Međunarodna i regionalna sigurnost

IZDAVAČ:

**Univerzitet u Sarajevu – Centar za interdisciplinarne studije – Prof. dr. Zdravko Grebo“, Zmaja od Bosne 8,
Sarajevo**

UREDNICI:

Centar za interdisciplinarne studije UNSA

Sarajevo, maj 2021. godine

Sadržaj

1. OPĆI DIO	5
1.1. Naziv programa	5
1.2. Tip programa	5
1.3. Nivo programa	5
1.4. Cilj studijskog programa	5
1.5. Nosilac programa	5
1.6. Naučna/umjetnička polja kojima pripada predloženi studijski program	5
1.7. Organizacija i trajanje studijskog programa	5
1.8. Minimalan broj ECTS bodova potrebnih za završetak studija	5
1.9. Jezik na kojem se izvodi studijski program	5
1.10. Seleksijski postupci za upis na studijski program	5
1.11. Kvalifikacije koje se stiču po okončanju programa	6
1.12. Analiza mogućnosti zapošljavanja studenata po završetku studijskog programa	6
1.13. Prohodnost studija	6
1.14. Skala bodovanja i ocjenjivanja	6
1.15. Osiguranje kvaliteta	6
2. OPIS PROGRAMA	7
2.1. Ishodi učenja na nivou studijskog programa	7
2.2. Popis obaveznih i izbornih predmeta	7
2.3. Struktura studija i uslovi upisa u sljedeći semestar	8
2.4. Popis ili uslovi izbora predmeta koje student može izabrati s drugih studijskih programa	9
2.5. Informacije o načinu završetka studija	9

Univerzitet u Sarajevu
University of Sarajevo



Studijski program:
Međunarodna i regionalna sigurnost
**Centar za interdisciplinarne studije –
„Prof. dr. Zdravko Grebo“**

1. OPĆI DIO

1.1. Naziv programa

Međunarodna i regionalna sigurnost

1.2. Tip programa

Akademski program

1.3. Nivo programa

Drugi ciklus studija (Master studij)

1.4. Cilj studijskog programa

Veza između međunarodnih odnosa i međunarodne sigurnosti i sve veći uticaj ove korelacije na sveukupna dešavanja na međunarodnom planu, predstavlja polaznu osnovu studija i okvir u koji se situiraju shvaćanja mnoštva drugih posljedica ovog interakcijskog uticaja i njegovih geopolitičkih implikacija.

Polaznicima modula je potrebno stvoriti mogućnost da sagledaju kakav uticaj sigurnost ostvaruje na mnoštvo drugih domena globalne moći i globalnih odnosa – kakav uticaj ostvaruje na politiku, ekonomiju, tehnološke tokove, kulturološke trendove i slično. Sigurnost postaje sve značajnija dimenzija mnogih društvenih tokova i aktivnosti, što je potrebno rasvijetliti sa više značajnih stajališta.

Činjenicu da se sigurnosne prijetnje, rizici i izazovi pojavljuju u mnoštvu novih form i sadržaja, da su te prijetnje međusobno sve povezane i da ih je sve teže pretpostaviti i predvidjeti u mnoštvu razvojnih situacija valja shvatiti u odnosu na širok spektar opasnosti koje će biti izučavane u okviru modula.

1.5. Nosilac programa

Nosilac studija je Univerzitet u Sarajevu koji povjerava organizaciju Centru za interdisciplinarnu studiju – „prof. dr. Zdravko Grebo“, a izvođenje studija nastavnicima i saradnicima sa nekoliko fakulteta Univerziteta u Sarajevu, te drugih univerziteta.

1.6. Naučna/umjetnička polja kojima pripada predloženi studijski program

Studijski program „Međunarodna i regionalna sigurnost“ je interdisciplinarni studijski program koji obuhvata naučno polje društvenih i tehničkih, te su stoga i nosioci predmeta sa fakulteta Univerziteta u Sarajevu obuhvaćenih ovim naučnim poljima. Uz nosioce predmeta u nastavnom procesu sudjeluju i drugi predavači sa Univerziteta u Sarajevu i gostujući profesori sa univerziteta iz regiona i šire.

1.7. Organizacija i trajanje studijskog programa

Studijski program „+1“ traje jednu godinu (dva semestra x 30 ECTS, ukupno 60 ECTS).

Program se sastoji od 6 obaveznih predmeta, 4 izborna predmeta, 4 radionice te izrade i odbrane Master teze (Završnog rada). U okviru prvog i drugog semestra nastava se izvodi na engleskom i BHS jeziku. Studenti rade završni rad po izboru, na BHS ili engleskom jeziku.

Studij se može odvijati i online.

1.8. Minimalan broj ECTS bodova potrebnih za završetak studija

U skladu sa evropskim sistemom prenosa bodova ECTS, obim studijskog programa iznosi 60 ECTS bodova u jednoj studijskoj godini, odnosno 30 ECTS bodova u jednom semestru. Broj studijskih bodova za pojedini predmet određuje se prema ukupnom opterećenju studenta (teorijska i/ili praktična nastava, vježbe, seminari i sl.), vremenu rada studenta na samostalnim zadacima (domaći zadaci, projekti, seminarski radovi,...) i vremenu za učenje prilikom pripreme za provjeru znanja i ocjenjivanje (testovi, završni ispit).

Završni rad se vrednuje sa 10 ECTS bodova.

1.9. Jezik na kojem se izvodi studijski program

Nastava se izvodi na bosanskom/hrvatskom/srpskom jeziku i/ili engleskom jeziku.

1.10. Seleksijski postupci za upis na studijski program

Status studenta stiče se upisom na studijski program kojeg realizira Centar za interdisciplinarnu studiju Univerziteta u Sarajevu. Upis se vrši na osnovu javnog konkursa koji objavljuje Univerzitet, o čemu odluku donosi Senat Univerziteta.

Upis u prvu studijsku godinu vrši se u skladu sa Zakonom, Statutom, ovim pravilima i na osnovu konačnih rezultata javnog konkursa.

Obavijest o konkursu za upis studenata u prvu studijsku godinu objavljuje Univerzitet u Sarajevu u najmanje tri dnevna lista na području Bosne i Hercegovine. Konkurs za upis studenata u prvu studijsku godinu objavljuje se na web-stranici i oglasnoj ploči Univerziteta u Sarajevu i Centra za interdisciplinarnu studiju uz prethodnu saglasnost Ministarstva.

Pravo upisa na interdisciplinarni master studij (II ciklus) imaju kandidati:

- državljani Bosne i Hercegovine i strani državljani sa završenim odgovarajućim prvim ciklusom studija u Bosni i Hercegovini koji se vrednuje sa najmanje 240 ECTS studijskih bodova što u zbiru sa vrednovanjem II ciklusa iznosi najmanje 300 ECTS,
- koji su završili studij po predbolonjskim nastavnim planovima i programima u Bosni i Hercegovini,
- koji imaju završen integrisani studij u trajanju od pet i/ili šest godina, kao i
- kandidati koji su prvi ciklus, odnosno predbolonjski studij, završili izvan Bosne i Hercegovine, a za koje je nakon postupka priznavanja odnosno ekvivalencije utvrđeno da imaju završeno adekvatno obrazovanje za nastavak školovanja.

Utvrđivanje jedinstvene rang-liste svih prijavljenih kandidata vršit će se na osnovu završenog studija II ciklusa, četverogodišnjeg studija po predbolonjskom sistemu studiranja, integrisanog studija, prosječne ocjene koju su kandidati ostvarili u toku studija.

1.11. Kvalifikacije koje se stižu po okončanju programa

Student nakon položenih svih ispita predviđenih Nastavnim planom i programom i odbranom Završnog rada, odnosno ostvarivanjem ukupnog, predviđenog broja ECTS-a, po završetku studija, stiže akademski naziv “ **Magistar međunarodne i regionalne sigurnosti**”.

1.12. Analiza mogućnosti zapošljavanja studenata po završetku studijskog programa

Magistri međunarodne i regionalne sigurnosti, po završetku studija su osposobljeni za različite poslovne mogućnosti u sljedećim institucijama/oblastima:

- Sigurnosnom sektoru;
- Ministarstvima sigurnosti;
- Ministarstvima unutrašnjih poslova;
- Upravama za indirektno oporezivanje;
- Privatnim zaštitarskim kompanijama.

Pored gore navedenog, studenti će također biti osposobljeni za realizaciju nastave na programima cjeloživotnog učenja u oblasti sigurnosti.

1.13. Prohodnost studija

Prema članu 1. stav (3) Pravila studiranja za I, II ciklus studija, integrisani, stručni i specijalistički studij na Univerzitetu u Sarajevu, drugi ciklus vodi do zvanja završenog diplomskog studija (the degree of Master) ili ekvivalenta nakon završenog prvog ciklusa studija; traje jednu odnosno dvije studijske godine, a vrednuje se sa 60 odnosno 120 ECTS bodova i to tako da u zbiru sa prvim ciklusom studija nosi 300 ECTS bodova, što osigurava prohodnost za upis na treći ciklus studija.

1.14. Skala bodovanja i ocjenjivanja

U svakom pojedinačnom syllabusu predmeta je navedena skala bodovanja i ocjenjivanja u skladu sa ciljem i ishodima tog predmeta.

1.15. Osiguranje kvaliteta

Kvalitet i uspješnost studija će biti praćena internim i eksternim posmatranjem i ocjenjivanjem od strane zvanične komisije i studenata.

2. OPIS PROGRAMA

2.1. Ishodi učenja na nivou studijskog programa

Ishodi učenja na nivou studijskoga programa definirani su u skladu sa zahtjevima tržišta rada, nastavkom školovanja, općim društvenim potrebama i standardima kvalifikacijskog okvira.

Navedeni master studij je interdisciplinarnog karaktera čiji je cilj usvajanje specifičnih znanja o međunarodnoj i regionalnoj sigurnosti, te primjeni novih koncepcija i vještina. Kao takav predstavlja interdisciplinarnu nadogradnju znanja stečenih na dodiplomskim studijama. Studij omogućava sticanje kompetencija koje omogućavaju bolje razumijevanje i kritičko preispitivanje geopolitičkih odnosa i sigurnosne problematike na međunarodnom nivou i u regiji Zapadnog Balkana. Problematika regionale i međunarodne sigurnost predstavlja trajni profesionalni i analitički izazov za djelatnike iz domena međunarodnih odnosa, diplomacije, sigurnosti, vanjske trgovine, turizma, prehrane, zdravstva itd. ali i analitičkih i profesionalnih krugova koji razmatraju pravne postupke, protok, korištenje i manipulaciju informacijama, čemu će se u okviru predmeta i radionica posvetiti potrebna pažnja. Studenti će posebno, proučavanjem uzroka i posljedica sukoba i ratova koji su se tokom historije događali na našim i drugim prostorima, spoznati geopolitičke implikacije koje su dovele do sukoba, pogubnost ratnih razaranja i upotrebe sile, te spoznati sve prednosti i mogućnosti koje nude metodi razrješenja konflikta putem međunarodne komunikacije, arbitraže i mirnog rješavanja otvorenih i neriješenih pitanja. Na kraju, studenti će razviti aplikativne vrijednosti o prepoznavanju ne samo elemenata konflikta nego i drugih oblika i pojava koje generiraju nesigurnost (npr. korupcija), a koje mogu primjeniti u svom radu i time doprinjeti razvoju kulture sigurnosti i stabilnosti.

2.2. Popis obaveznih i izbornih predmeta

U tabeli 1. je prikazan popis predmeta sa ECTS opterećenjem i fondom sati.

Tabela 1. Nastavni plan master studija „Međunarodna i regionalna sigurnost“

Semestar	Nastavni modul	Sati	ECTS	Status modula	Odgovorni nastavnik/ca
Prvi	Ljudska prava	30	5	obavezan	Prof. dr. Lada Sadiković
Prvi	Moderni koncepti globalne i regionalne sigurnosti	30	6	obavezan	Prof.dr Sead Turčalo
Prvi	Ciber sigurnost	30	6	obavezan	Doc. dr. Saša Mrdović
Prvi	Integrirane obavještajne metode	30	5	obavezan	Prof. dr. Nedžad Korajlić
Prvi		20	4	Izborni	
Prvi		20	4	Izborni	
Prvi		10	/	Radionica	
Prvi		10	/	Radionica	
Drugi	Sigurnosni izazovi ekstremističkih ideologija	30	6	obavezan	Prof. dr. Selmo Cikotić
Drugi	Moderna odbrambena tehnologija	30	6	obavezan	Prof. dr. Nedžad Korajlić

Drugi		20	4	Izborni	
Drugi		20	4	Izborni	
Drugi		10	/	Radionica	
Drugi		10	/	Radionica	
Drugi	Izrada završnog rada		10		
I semestar ukupno		180	30		
II semestar ukupno		120	30		
UKUPNO		300	60		
IZBORNI PREDMETI					
	Naziv predmeta	ECTS	sati	Odgovorni nastavnik/ca	
1.	Mediji i komunikacije u sigurnosti	4	20	Prof. dr. Lejla Turčilo	
2.	Biološka sigurnost	4	20	Prof. dr. Nihad Fejzić	
3.	Energetska sigurnost	4	20	Prof. dr. Goran Kovačević	
4.	Diplomatija i rješavanje konflikta	4	20	Prof. dr. Selmo Cikotić	
5.	Geopolitika i politika velikih sila	4	20	Prof. dr. Armin Kržalić	
6.	Hibridni i rat niskog intenziteta (HRNI)	4	20	Prof. Metodija Dojchinovski	
7.	CBRNe – sredstva masovnog uništenja	4	20	Prof. dr. Darvin Lisica	
INTERDISCIPLINARNE RADIONICE					
	Naziv predmeta	ECTS	sati	Odgovorni nastavnik/ca	
1.	Sigurnost i istraživačko novinarstvo	/	10	Arijana Saračević Helać	
2.	Krivično – procesne radnje u kontekstu međunarodne i regionalne sigurnosti	/	10	Dr. sc. Nermin Šehović	
3.	Nadzor granica	/	10	Prof. dr. Nedžad Korajlić	
4.	Korupcija kao problem regionalne i međunarodne sigurnosti	/	10	Dr.sc. Erduan Kafedžić	

2.3. Struktura studija i uslovi upisa u sljedeći semestar

U primjeni Evropskog sistema prijenosa bodova (ECTS) u prijedlogu master studija „Međunarodna i regionalna sigurnost“, polazi se od dogovora, prihvaćenog u čitavom evropskom prostoru visokog obrazovanja, da rad potreban za savladavanje

jedne akademske godine studija iznosi 60 ECTS bodova. Iz organizirane nastave student stiže 50 ECTS bodova, a radom na završnom radu 10 ECTS bodova.

Program se sastoji od 6 obaveznih predmeta, 4 izborna predmeta, 4 radionice te izrade i odbrane Master teze (Završnog rada). U okviru prvog i drugog semestra nastava se izvodi na engleskom i BHS jeziku. Studenti rade završni rad po izboru, na BHS ili engleskom jeziku.

Struktura programa:

1. prvi semestar:	2. drugi semestar:
4 obavezna predmeta,	2 obavezna predmeta
2 izborna predmeta	2 izborna predmeta
2 radionice	2 radionice
= ukupno 30 ECTS	izrada i odbrana Master teze
	= ukupno 30 ECTS.

2.4. Popis ili uslovi izbora predmeta koje student može izabrati s drugih studijskih programa

Student može izabrati predmet - obavezni ili izborni predmet (u curriculumu su predviđeni obavezni predmeti sa po 5 ili 6 ECTS i sa po 30 sati i izborni predmeti sa po 4 ECTS i sa po 20 sati) sa drugog studijskog programa ukoliko su ciljevi i ishodi tog predmeta u skladu sa ciljem i ishodima ovog studijskog programa, dostavljanjem molbe Vijeću Centra uz popratnu dokumentaciju, odnosno silabus predmeta koji želi izabrati/slušati.

2.5. Informacije o načinu završetka studija

Master studij se završava polaganjem svih ispita i izradom završnog rada.

Mentora za izradu završnog rada bira kandidat na osnovu interesovanja i oblasti predavača. Moguće teme završnih radova predlažu predmetni nastavnici. Također, studentu se može odobriti tema završnog rada koju samostalno predloži, uz prethodnu konsultaciju sa nastavnikom kod kojeg želi uraditi završni rad.

Mentor može biti i nastavnik koji nije predavao na studiju, ali je tema vezana za studij. Predloženi nastavnik treba imati adekvatna znanja i kompetencije da bude mentor. Mentora odobrava Vijeće Centra.

Prijava teme se podnosi na propisanom obrascu. Nakon prihvatanja teme na Vijeću Centra, Vijeće imenuje Komisiju za ocjenu i odbranu rada. Članovi Komisije mogu biti predavači u zvanju od docenta do redovnog profesora. Komisija ima, po pravilu, predsjednika i dva člana, odnosno njihove zamjenike. Jedan od članova komisije je i mentor.

Student može jedanput promijeniti temu završnog rada i to najkasnije u roku od 30 dana od dana odobravanja prve teme.

Završni rad i odbrana su javni.